

石

匱

書

石渠書卷第六

明 蜀人張 岱著

英宗本紀上

睿皇帝宣宗長子也以宣德二年生之日：下五色雲見光灼殿陛既二年立為皇太子能言 宣宗抱置膝上問它日為天子能令天下太平乎曰能問有干國之紀者敢親總六師討之乎曰敢 宣宗大喜解所御龍袍寶帶加 上體置寶座左右皆呼萬

歲上天姿秀傑龍顙魁碩顧盱有威立其側者皆  
若傍睨之宣宗崩以正月壬午即皇帝位年九歲  
矣頒詔大赦天下以明年為正統元年癸未勅沿邊  
總兵官嚴守備命戶部尚書黃福叅贊襄城伯李隆  
機務於南京勅朝鮮國王李樹曰朕嘉與天下安於  
清靜王國朝貢一循舊章非常貢悉止之戊申尊張  
太后為太皇太后孫皇后為皇太后冊弟祁鈺為郕  
王勅諭南北兩京五府六部都察院南京內府各監

局等衙門曰朕體祖宗安養軍民之心凡事從簡可  
簡之事公議以聞於是諸司冗費悉行裁罷勅三法  
司錦衣衛詔書赦外再別犯者情罪以聞成邊輪作  
之三月放教坊司樂工三千八百餘人四月諭兵部  
尚書王驥曰比聞河南軍民有困迫飢饉流離就食  
因而羣聚為盜原其初心良可矜憫爾部出榜文諭  
之榜至悉宥罪犯唐韓愈於潮以元學士吳澄徙祀  
孔子廟減差行人禁約私茶員數通減在京驍官月

俸給米修葺長獻二陵天久不雨命考察羣吏方面  
及郡守有聞令遵宣德勅旨保舉若犯贓罪并坐舉  
者命三法司有犯罪者即會官覆審毋淹兩畿山東  
河南諸府蝗蝻傷稼命御史馳驛往捕五月命吏部  
初入仕者毋輒銓除風憲賑揚徐滁及諸屬邑飢命  
河南山西鎮守巡官招撫逃民復業免其徭賦六月  
勅南京法司會審重獄七月脩宣宗實錄嚴私下海  
捕魚禁八月減光祿寺廚役四千七百餘人封乳母

李氏為恭聖夫人九月龍州宣撫司獻瑞表上以  
所在旱蝗相望獨以表瑞何以免民飢自今天下凡  
若此類皆毋獻十月立天下衛所學校十一月行在  
吏部定御史員缺請奪情補用上曰非盛世令典  
不許勅行在兵部曰比聞順天直抵山東府州縣歲  
歉民艱所養馬匹死損合追賠買補者俱俟來歲秋  
成後十二月命天下布政司都司嚴審所司栽種桑  
來

正統元年正月以京軍數多令餘丁於北京曠土屯  
種二月禁内外法司鍛鍊刑獄嚴逃民不復業之禁  
擇通經秀士為教官教書公侯家四月以公侯伯位  
以祿厚無事征伐而百姓連年艱供億馬足草料悉  
停罷之五月罷修南京冰池冰窖減慈恩隆善能仁  
寶慶四寺番僧增提調學校官南北直隸御史一員  
各省按察司官一員六月罷陝西織造罷靜縣蝗  
飢有司徵索如故上聞命撫按官不得驗視凡被

灾虞悉免其物稅九月分遣御史軒輅等十七  
人清理天下軍政命錦衣衛取罪囚刑部齎駕帖以  
防偽命邊郡民犯罪者聽納米麦豆自贖封黎麟為  
安南國王淮河鑄十月命北虜降人非率所部及眷  
屬來歸者俱戮遣江南衛所營東聽征調十一月麓  
川宣慰思任黻優孟定府及濟甸等州黔國公沐晟  
以聞下兵部議處之命在京三品以上官各舉可御  
史者一人四品官及國子監翰林院堂上官部屬科



道官舉可知縣者一人吏部察用之十二月故和寧  
王所部阿台王牛及朵兒只伯數寇邊下兵部會廷  
臣議五日不上奏上曰謂朕冲人邪執兵部尚書  
王驥侍郎鄭埜下獄

二年正月勅大同總兵方政寧夏總兵史昭都督蔣  
貴等率兵三萬出境巡哨遇虜賊相機勦殺三月大  
名河陝諸處逃民先後入漢中府深谷中及黃河北  
岸團聚以萬計命御史金敬撫緝之勅曰皆朕赤子

願還故鄉者令有司善加撫綏願占籍者復二歲四月遣官督捕蝗於畿內山東河南諸府論行在禮部曰先王盛時四夷之獻惟服食器用毋有珍寶毛毳等衛撤滿答失里貢珠本意却之宴使者而平之直聊酬遠誠勿以為例五月鄭州儒學訓導郭明郁奏本州崇澤孝義保漢紀信死節地遺墓尚存乞立廟致祭廷議封信崇澤侯諡忠烈有司立祠春秋祭澤梁人胡有功等十人各出稻千石佐賑賜璽書旌勞

復其家六月以宗儒胡安國蔡沈真德秀並祀孔子  
廟庭命諸蕃國三歲一貢七月以淮揚飢弛所屬川  
澤之禁：黜官軍較侵占民田地強掠民財犯者即  
於處所梟首仍罪其頭目十月命都督任禮蔣貴等  
征虜寇阿台朵只伯諭行在兵部揭榜有壯勇膂力  
通武藝願自効者在京許赴通政司沿邊赴總兵官  
自陳亡論奴隸山命坐罪人一弊裁國省謀略出衆  
者不次擢十一月封哈密脫脫哈木兒為忠義王

三年正月禁天下祀孔子於釋老宮四月任禮蔣貴  
擊敗胡虜朵兒只伯於石城兀魯乃趙安等亦出昌  
寧大擊虜衆封禮寧達伯貴定西伯安會州伯子行  
在兵部尚書王驥兼俸柴車魯彝羅亨信俱陞俸有  
差宣宗寔錄成五月修葺府州縣申明旌善二亭六  
月黔國公沐晟奏麓川宣慰思任叢累侵南甸十崖  
騰衝潞江金齒等處上勅晟相檄捕勦已命都督  
方政往雲南與晟協同鎮守使都督沐昂率兵討之

七月命祭孔子非土所產者鹿兔代以羊榛棗代以  
果十一月諭右副都御史陳智今武臣子弟忘祖父  
起家之艱漫不省武藝赴京比試多有過期及覓代  
者自今犯者戍邊官吏受賂及不審寔一體治罪敕  
沐晟沐昂方政等擊思任發潞江破之十二月命御  
史巡視淮浙鹽課禁江西窯場燒造青花白地瓷器  
貨買餽送違者正犯處死全家戍口外

四年正月沐晟方政進攻思任發麓川大寨破之追

至空泥坂敗績失政所在賊勢益衆二月並沐晟兵  
更擊之三月大赦天下增山東陝西河南湖廣方面  
官各一員招撫逃民四月沐晟以兵敗病悸卒五月  
以沐昂為左都督佩征南將軍印充總兵官代之京  
師大雨水溢壞官舍民居溺死人甚衆人多露宿長  
安市六月京師地震命工部右侍郎邵旻等擇亢爽  
地及各廩房居軍民無屋者戶部右侍郎吳璽存問  
被水家給米一石溺死者加鈔五百貫七月命順天

府修元世祖廟八月南安知府林平言比者提學僉  
事薛瑄建議凡生員疾病不堪教養者罷黜之追償  
廩餼臣謂疾病人所時有罷之足矣給廩累歲追償  
一朝且使父兄懲納之患則孰遣子就學者命行  
在禮部除其令十月頒行憲綱諸書十二月修乾清  
宮勅都察院張純大理少卿李昉巡視順天等府被  
水窮民

五年正月真定太原所屬州縣招撫逃民復業三萬

餘戶令有司善加撫綏免租役三年二月行在光祿寺厨役白大有奏父年八十無他子乞歸養上曰禮八十者一子不逆政即遣之以畿內災民食不贍勅張純李畛區畫賑濟給京城飢民飯三月遣奉天謹身華蓋三殿乾清坤寧二宮以歲凶飢饉民二年家有父母者人賜米二石四月以山西荒下寬卹詔兩歲河南山東蝗遣捕之六月疎滯獄陝西飢命賑之七月命行在刑部右侍郎何文淵等分行畿省修



備荒之政八月行在戶部奏大同宣府歲稔旗軍給糧請代以布 上曰邊士執戟而暇耕乎稔亦給之九月造渾天儀璇璣王衡簡儀成御製觀天之器銘十月蘭縣莊浪同以月朔地震十日乃止壞城堡官民廬舍壓死男女三百餘人勅三司脩葺賑之十二月修中和韶樂器

六年正月麓川寇未平復命定西伯蔣貴佩平蠻將軍印充總兵官行在兵部尚書王驥總督軍務統率

大軍往征之三月勅英國公張輔選將才得紀廣等  
四十四人上令讀武經百將傳講略練武待試而  
用之四月勅三法司慎選所屬官參審天下疑獄八  
月賑常池二府飢十一月甲午朔上御奉天殿太  
赦天下罷稱北京行在剋南京二字於南京各衙門  
贈故翰林侍制王禕官賜諡忠文十二月王驥蔣貴  
攻思任發於上江大破之思任發遁走悲平其地命  
廟祀平江恭襄侯陳瑄

七年正月南京西安門火草陝西甘肅茶馬引二月  
以麓川寇平使少監蕭保鎮守雲南四月遣侍郎王  
質以羊酒途勞蔣貴王驥凱旋將士悉給舟車餽廩  
五月進蔣貴宣西侯王驥靖遠伯從征將士悉論功  
戊寅冊立錢皇后八月以思任薨未就俘復命王驥  
往討仍給金牌印符便宜行事十月皇太后崩上尊  
謚曰誠孝皇后十二月禮部臣奏山東左叅政沈固  
右叅政劉璉並言中外官舍軍民戴帽穿衣語言跪

拜尖頂禿袖垂纓揮翎竝舉胡俗請令都察院嚴榜  
戒治逆之

一年正月改封荆王於蘄州鄭王於懷來令天下置  
朱鐸誦教民六諭如 高皇帝舊三月令戶部榜諭  
天下民流移境外願占籍其處者聽仍免役三年願  
復業者記名優卹秋成遣之五月思任叅子機法復  
據麓川復命王驥蔣貴調雲南湖廣四川貴州官軍  
土兵五萬征之雷震奉天殿鳴吻 上輟朝三日勅

論文武羣臣修省壬午大赦天下六月翰林院侍講  
劉球下獄死以駁死罪囚不寔下大理寺左少卿薛  
瑄賀祖嗣右少卿顧惟敬等獄七月論薛瑄死罪初  
國子監祭酒李時勉於監門之外已乃釋之八月復  
宋儒周敦頤程顥程頤司馬光朱熹子孫十月禁勅  
內官毋與外庭私相交結營求囑托犯者罪之十二  
月營靜慈仙師墳命太常寺凡遇時節依例祭祀  
九年正月兀良哈三衛降寇邊令成國公朱勇興安

伯徐亨都督馬亮陳懷等勦之二月以西番僧朝貢衆多勞費軍民勅甘肅鎮巡官自今如例起送餘留其處管待所進馬就彼給軍騎操方物貯庫第其數來問有所款言譯宴處置善撫諭之三月辛亥朔太學新成上幸國子監行釋菜禮御製重建太學之碑封陳懷平鄉伯馬亮招遠伯五月靖遠伯王驥等執麓川叛賊思機法男酋蓋等至京七月重開福建浙江銀場壬寅雷震奉天殿鴟吻上親告於太

廟遣祭於吳天后土勅戶部曰南北直隸被水災絕  
多朕甚憫焉爾部其令所司加意存卹缺食者賑之  
蠲其租及歲辦物料命都察院揭榜禁約在所豪橫  
之徒巧科歛尅害軍民者八月飭將帥無撻尅軍士  
申明習尚胡虜衣服語言之禁九月命靖遠伯王驥  
整點軍馬於西北沿邊以麓川平立雲南隴川宣撫  
司十月命大同總兵官武進伯朱冕等巡視塞外十  
二月命因緣犯死罪以上遞減二等笞杖罪惡宥之

休息工匠赴役以待來歲

十年正月宴天下來朝賢能官浙江都轉運鹽使丁  
鑑等於禮部命人賜金織衣一襲鈔五百貫舉將才  
二月申薦越告桀誣十人以上者軍葬邊衛民運口  
外四月復開浙江福建銀場五月廣西潯梧諸府賣  
寇竊發總兵官安遠侯柳濤平之六月以西安紹興  
軍波台州諸府大疫遣祭於西藏南鎮之神為民祈  
禳死者蠲其租病賑卹之七月巡撫河南山西大理



寺左少卿于謙奏山陝飢民俱糊口於河南懷慶河南有貯米六十餘萬請減糶上許之命戶部馳報毋緩八月命黔國公沐斌佩征南將軍印充總兵官鎮守雲南十月上畋于南海子十二月真定府所屬州縣野蠶繭知府王以綵來獻製幔褥陳於太廟雲南十戶主政誅思任發於緬甸

十一年正月賜周禮監太監王振繪幣命振任林為錦衣指揮僉事世襲賜振勅二月有異氣現華

蓋殿金頂及奉天殿鵠吻之上遣祭告於上天后土  
以春和下寬卹詔七月選朝覲卓異九月勅漕運兵  
及諸巡撫官曰祖稅出民漕輓以軍勞苦矣所司不  
卹復侵擾之師當加懲暴官污吏必致之法十二月  
以甘州等處疾疫遣差通政王錫榮西藏西鎮太常  
寺丞李宗周祭境內山川

十二年正月申明備用織繡蟒龍飛魚斗牛及違式  
花樣之禁二月命翰林侍講等官杜寧等十人讀書

東閣學士曾鼎陳循爲之師以次侍經筵五月勅大理寺少卿張驥賑濟山東濟寧以南至直隸之淮揚雜泛徭役悉與蠲免流移者招撫之所司官吏貪酷害民依法究問大修南京宮殿及祠廟六月南京大風雨山川殫災十一月庚寅皇長子生考即兀衛都指揮哥哈達官入奏黑龍江諸部野人欲入朝貢乞付勅招之 上曰朕不能處人以事遠若其自來固不拒也十二月嚴私鹽及私茶禁

十三年正月脩大隆興寺禁城西作佛事 上臨幸  
觀之三月傳臚進士及第：一人彭時不至鴻臚寺  
官廷劾時 上曰宣索之故事廷劾當捕逮廷臣服  
上敏思任黷既誅其子機法潛住益養使招諭之疑  
懼不至命靖遠伯王驥督兵討之四月皇二子見濤  
生命吏部選進士人物俊秀貫江北者三十人以聞  
既得萬安劉翊王恕等引見內廷以為庶吉士教讀  
於翰林五月詔熱審命中外學宮元時所塑孔子像

為左衽者悉改之六月廣西蠻賊殺掠潯州等處賊  
破電白縣審驗被殺家優卹之大名府淫雨河決滄  
沒三百里壞軍民廬舍二萬區有奇男婦死者千餘  
人命官賑卹除其祖稅七月京師飛蝗蔽天八月福  
建賊鄧茂七攻掠沙尤二縣命都督劉聚往討之十  
月命巡河官三年更代十一月命寧陽侯陳懋佩征  
夷將軍印克總兵官統率在京及浙江、西官軍征  
勦閩賊鄧茂七廣東山賊趙普旺等率衆為亂叔掠

龍水電白二縣

十四年二月福建巡按御史丁璵率指揮何福擊鄧  
茂七於延平斬之靖遠伯王驥等攻思機法十三寨  
於金沙江之管七大破之思機法遁賜勅獎諭三月  
處州賊葉宗留犯江西廣信境永豐知縣鄧顯死之  
六月雷震謹身殿勅論文武修省遂下詔大赦天下  
湖廣生熟苗蠻蜂起命靖遠伯王驥調師十萬滅之  
七月熒惑入南斗侍講徐理知天文私語其友曰禍

不遠矣亟命妻孥南歸是月北虜也先大舉入寇大同兵失利遼塞城堡多陷脅息甚急王振不與大臣議挾天子親征百官伏闕上章懇留不從十七日甲午車駕發京師夕次康家嶺乙未次龍席臺夜驚丁酉過居庸關風雨連朝六軍患苦文武將士皆無紀律羣臣請駐蹕不許戊戌次榆林站己亥次懷來庚子次雷家莊辛丑駕至宣府風雨大至遼報益急扈從羣臣復交章請駐蹕王振怒俱令掠陣上素

以事付振：並肆威拒言折辱諸大臣必遁師我師  
漸進虜漸退伏塞外癸卯次萬全峪是夕金星犯亢  
甲辰次懷安是夜黑雲四塞乙巳次天城西丙午次  
陽河是夕火星犯土星丁未次聚落驛八月戊申朔  
次大同己酉雨並驟始議旋師庚戌東還其夕營於  
雙寨有黑雲如繖罩營雷雨大作徹夜驚亂辛亥次  
滴水士午次洪州方城癸丑次白登月犯心宿甲寅  
次懷安城西乙卯次萬全丙辰次陽和北沙嶺丁巳



次宣府庚申將發宣府謀報虜襲我軍後遂駐蹕恭  
順侯克忠殿戰敗歿達成國公勇永順伯綬領軍往  
救遇伏難兒嶺亦陷辛酉次土木絕水虜益至壬戌  
詐退王振使移營近水陣動虜四至兵士爭先走行  
列大亂勢不能止虜騎跳陣入奮長刀砍我兵宦侍  
兵被體如蟬毛上與親兵乘馬突圍不得出虜擁  
以去衛將軍樊忠從駕前以所持瓜槌殺王振英  
國公張輔尚書鄭瑄王佐死學士曹鼐張益以下數

百人皆死其幸免者踰山陞谷始得達關我師既潰  
上乃下馬南面坐地有一虜索衣甲不與將加刃一  
虜詰之熟視曰此非九人乃以見也先弟賽利王伯  
顏帖木兒上問曰爾也先邪伯顏帖木兒邪虜聞  
語大驚馳見也先曰部下獲一人甚異疑是大明天  
子也先乃呼魯使中國者二人問是否一人見驚曰  
是也：先曰我嘗祝天求大元一統天下今乃落我  
手問衆何以為計其中一胡名乃公大言曰大元之

仇今天以賜我不如殺之伯顏帖木兒大怒呼也先

為那顏

那顏華言大人也

安用此人開口乃搏其頰曰去那

顏圖作萬世後好男子大明皇帝天人也不知上天

何故推下雲端然在萬衆死亡之中鏃矢不沾吾知

天意有在且我等常受其賜九龍鱗猶在安得害之

當報中國遣使來迎復為天子萬世而下那顏不留

好男子名那魯魯皆曰者

胡語云者然辭也

於是也先以

上送伯顏帖木兒營令護之隨擁上北去

英宗本紀下

睿帝自正統十四年八月十六日土木蒙塵乘輿北狩二十三日虜擁上至大同城下索金幣大同人不納復擁至宣府宣府人亦不納虜怒欲遣謀害是夜忽大雷雨震死也先所乘青驕馬令人至帳外窺視見赤光罩宣御帳虜謀乃沮又雪夜令人行刺見一大蟒蛇遶護帳外畏怖而去虜繇是益加敬禮是時有袁彬哈銘為虜所掠得隨侍左右二十八日至

野松林 上入也先營坐也先拜稽首乃侍坐率馬

設宴其妻妾以次奉 上酒歌舞侑觴復居伯顏帖

木兒營伯顏與妻見 上亦如之每二日獻羊七日

獻牛或馬又進窩兒帳房也先屢遣使請和 景帝

不應十月大舉入寇 上同在營壘時于謙石亨等

堅壁清野虜無可肆虐十一月虜退復擁 上北去

上北至小黃河撫武廟值萬壽節也跪奏上壽進蟒

衣貂裘 上在虜廷未常少降辭色也先戴其妹衣

配 上曰烏有萬乘之君而為胡婿邪後史何以載  
乃慰之曰爾妹朕固納之但不宜野合侍朕還中國  
以禮來聘也先乃止又遣胡女數人薦寢復却之曰  
留侍他日為爾妹送嫁也先益敬服贈錦與衣彬常  
宿御寢傍天寒甚每夜 上令彬以兩脇溫足一日  
上晨起謂銘曰汝知乎昨夜汝以一手壓我胸我不  
動俟汝醒乃下汝手因言光武與嚴子陵共卧事銘  
頓首謝 上或夜出帳房仰視天象指示二人曰天

意有在我終當歸景泰元年遂尊上為太上皇帝

正月朔日上皇在虜營寫表祝天也先請上皇

幸其帳宰馬設宴初七日上皇書至京師索大臣

來迎不應四月上皇遣喜寧傳命入京令勇士高

磐與俱密旨繫磐解問令至宣府與總兵等官計擒

之宣府參將楊俊出與寧領書磐抱寧大呼俊遂縛

寧至京師伏誅自寧誅後虜使謀歸還決意求和

月北虜遣使請和以給事中李實為禮部侍郎偕虜

使行七月十一日至常見也先明日引實等見上  
皇進紵絲四匹及米肉魚酒等物實等泣下行禮畢  
見上皇所居者布帳布蓆地寢牛車一輛馬一  
匹以為移營之具而已上皇謂實等曰當時朕非  
以游畋出乃為生靈計不意被留皆王振輩所致也  
今也先實意送朕回又被喜寧阻住因問聖母及今  
上安否泣數行下既又問竊臣數人又曰在此踰年  
始見卿等寔曰極言王振寵任太過致有今日上



皇曰我亦知之無事時人皆不言今乃罪我悔何  
及也先宴宴等遣婦期以大臣來迎即送上皇婦國  
宴至京奏請遣使奉迎其言虜請和是宴不許八月  
都御史楊善侍郎趙榮同也先使右丞相妥議和報  
命見也先也先聞善言大喜許婦上皇次日也先  
設饌餞上皇也先自彈琵琶妻妾奉酒善等侍飲  
也先令善坐上皇曰太師着坐便坐善對曰難在  
草野不敢失君臣禮也先羨曰中國好禮居數日也

先築土臺奉 上皇臺端率妻妾苗長服稱獻鞍馬  
貂銀二鼠皮襖弓若箭賽刊王亦打野盤進酒 上  
皇行也先與酋長送車駕可半日許下馬叩頭聽解  
弓箭撒袋戰裙以進諸酋長羅拜伏哭而去傳額帖  
木兒獨送 上皇至野狐嶺進酒帳房既畢屏人語  
使哈銘上奏天使皇帝來我避荒我也先順天之意  
敬事皇帝一年矣皇帝此來為天下也為遼城也歸  
時還當作皇帝作皇帝而我主人有緩急我可傳告

想衆虜皆道傍送駕進羊馬蕃口呼皇帝行矣伯顏  
帖木兒再送駕出野狐嶺口上皇攬轡慰籍而與  
之別伯顏帖木兒大哭歸而放圍得獐復數十騎來  
進獻上皇至唐家嶺遣使到京詔諭避位免羣臣  
迎十六日百官迎於安寧門上皇自東安門入  
上迎拜上皇答拜畢相抱持而哭各述授受之  
意推讓良久乃迎上皇至南宮百官隨至南城驛  
朝見勅曰先帝遺命祖宗鴻業付畀於朕深為荷負

之重去年秋醜虜傲虐率衆犯邊有窺竊神器之意  
朕不得已親總六師往問其罪不意天示譴罰被留  
虜中蒙聖母上聖皇太后皇帝賢弟篤念親之思  
數遣人迎取上賴天地大恩祖宗洪福幸得還京爾  
文武羣臣欲請朝見重以眇躬辱國喪師有玷宗廟  
又何顏見爾羣臣乎所請不見自景泰二年至七年  
上皇在南宮景泰八年正月 景帝不豫司禮監太  
監王誠與大學士王文等謀迎立襄王世子朱定羣

臣且上章請惟景帝所立都督張軌與其弟觀武清侯石亨太監曹吉祥謀請上復位鴻臚主簿萬祺知祿命告亨曰皇帝在宮宴事他求亨告太常卿許彬曰社稷功也雖然彬老矣徐元玉才有膽蓋圖之元玉者副都御史徐有貞也亨等夜過有貞有貞曰太上出狩非以游畋為國家耳南宮雖黜民無離心奉以復辟天人同符在此時也一耳日耳遇有貞有貞升屋步乾象亟下曰可矣在今夕相與密定計

有貞曰今虜騎薄都城公總兵也莫若應備非常納  
兵關中耳遂收諸門鑰開門納兵近千人薄南城已  
四鼓天色晦冥南宮門鎗俄隱：有開戶聲有貞使  
數人舉梁厲以衝門勇士踰垣入毀之城門黯黯輒  
等入乃燭 太上皇燭下獨出曰爾何為俯伏合聲  
請 陛下登位揮士近輦皆驚顛莫能舉有貞挽之  
前擁 上皇登遂夾輦行忽月星明概 上皇顧問  
有貞卿等為誰各具官對昇導入自東華門：者呵

之 上曰吾太上皇也遂翼升奉天門諸臣推御座  
門中上升座鳴鍾鼓羣臣之請立太子也景帝許以  
是日朝羣臣皆侍而 帝不可起有貞等號曰太上  
皇復辟矣趨入賀舉朝震駭遂皆呼萬歲日中羣臣  
各朝服奉 上登奉天殿行即位禮時正月壬午日  
也詔天下曰朕昔恭膺天命嗣承大統十有五年民  
物康阜值北虜之變惟以宗社生民之故親率六師  
禦之而以庶弟郕王監國不意兵律失御乘輿被遮

文武羣臣既立皇太子奉之豈期監國之人遽擁當  
宁之位既而皇天悔過虜酋格心奉朕南還既無復  
辟之誠反為幽閉之計旋易皇儲冊立己子惟天不  
佑未久而止杜絕轉運愈益迷執矧失德之良多致  
沉疾之難料朝政不臨人心共憤乃今月十七日朕  
為公侯駙馬伯及文武羣臣六軍萬姓之所擁戴遂  
請命於 聖母皇太后天地社稷宗廟復即皇帝位  
躬理機務保固國家其改景泰八年為天順元年大



赦天下咸與維新逮少保干謙王文及都督范廣太  
監王成舒良王勤張永等下詔獄命徐有貞以本官  
兼翰林學士直文淵閣典機務明日陞有貞兵部尚  
書兼職如故逮內閣學士陳循蕭鏊商輅尚書俞士  
悅江淵侍郎項文曜王偉古鏞丁澄沈敬等下獄出  
前禮部郎中章綸於獄擢為禮部右侍郎論迎復功  
進封武進侯石亨為忠國公都督張軌為太平侯張  
輓為文安侯都御史楊善為興濟伯並子孫世襲論

隨駕功擢鎮撫哈銘試百戶袁彬並為錦衣衛指揮  
僉事二十二日棄于謙王文范廣及太監王誠等於  
市陳循江淵俞士悅項文曜免死戮鐵嶺衛永遠充  
軍蕭鐸商輅王偉等為民先是于謙等下獄上猶  
豫曰于謙實有功柰何有貞曰不殺于謙今日之舉  
為無名獄遂決忠國公石亨引千戶盧旺彥敬侍文  
華殿前上問二人何人亨對曰臣心腹人迎請復  
位其功居多特擢為錦衣衛指揮使自是求請無虛

日冒功陞職者四十餘人奪郭登伯爵以為南京都督僉事太子太傅高穀吏部尚書王直禮部尚書胡濙並致仕二月朔以太后詔廢景泰年號上曰朕心有所不忍內欽天監奏革除景泰年號仍舊書之十九日郕王薨謚曰戾莫祭如親王禮贈故御史鍾同大理寺丞謚恭愍官其子台前南京大理寺卿廖莊復原職尋陞南京禮部侍郎召巡撫陝西副都御史耿九疇為右都御史掌院事召南京督

儲副都御史軒輊為刑部尚書命吏部右侍郎李賢  
兼翰林院學士叅預機務於內閣詔舉庶民凡八十  
以上者賜冠帶京師民茹文中百有四歲上召見  
悅其狀貌與致辭有加禮進封徐有貞為武功伯械  
前給事中謫戍徐正至京礫移市命景泰妃汪氏出  
居舊王府先是邸王薨上欲令汪妃殉葬李賢奏  
曰汪妃雖立為后即遭幽廢與兩女度日若令殉死  
幼女何依上惻然曰卿言是朕以弟婦年少不宜

存內初不計其母子之命乃止四月己巳復立元子  
為皇太子襄王瞻塔來朝土木之變王兩上疏慰安  
皇太后乞命皇太子居攝急募勇敢士圖迎復仍乞  
諭郕王盡心輔政章上時景泰立己八日矣至是

上得疏於宮中覽之感歎手勅取王入朝禮待甚隆  
追復王振官立祠祀之五月御史楊瑄河間印馬差  
回劾奏石亨曹吉祥家人占奪民田 上嘉其敢言

命戶部覈寔十三道御史張鵬等遂合章糾亨不法

石亨疑有貞與賢主使遂與吉祥泣於上前訴其  
迎駕奪門功有貞等欲加排陷且言鵬乃已誅內臣  
張永逆子故結黨誣臣上怒命收鵬及瑄等悉下  
錦衣衛獄寃主使衛官秦右都御史耿九疇副都御  
史羅綺諷使為此併執鞠之妄陷有貞賢於獄會是  
日晚雷電雨雹大風拔木吉祥亨門樹折宅內水溢  
數尺京師震恐翌日即赦出有貞等降有貞賢及調  
御史盛顯等瑄鵬俱謫戊七月六日承天門災詔赦

天下隆李賢為吏部尚書 上命閣臣岳正草詔罪

已有奸邪蒙蔽等語曹石等搆蜚語中傷降謫欽州

同知復下有貞於獄戮雲南金齒為民八月兵部尚

書陳汝言族邏者奏岳正既降之任道遡逗番復戮

其私事連繫錦衣衛拷掠謫戍肅州九月勅左順門

開者今後非有宣召總兵等官不得輒出入宮禁門

十月賜杭州府宗岳飛祠曰忠烈有司春秋祭祀通

人曹隆賈勅書禮幣聘江西處士吳與弼虜甘字來

下諸司朝覲大集旌異之典當如祖宗之故既吏部  
舉右布政司賈銓梁榮蕭暄徐景李顯按察使劉孜  
知府丘浚胡濬知州張福知縣張璵等十人各賜錦  
衣一襲鈔千貫宴禮部隨擢暄為禮部尚書餘為副  
都御史二月石亨死獄中誅定遠侯彪四月命宗室  
王府無子者方許請繼室子八歲方許請名女十五  
歲方許請封著為例七月湖廣常造帑工部言楚飢  
請成造於不灾州縣上曰皆罷之八月命湖廣有



司加意賑恤十月閱騎射西苑賜總兵官會昌侯孫  
繼宗等宴鈔騎射官賜鈔有差謂學士李賢彭時呂  
原尚書王翱馬昂曰為國重武練武先騎射皆頓首  
稱善遂皆賜宴鈔十一月命都御史韓雍巡撫大同  
陞辭上曰善為朝廷守北門十二月賜致仕四川  
僉事王錡金以周其貲

五年二月論李賢曰錦衣指揮逯杲誣弋陽王奠燼  
敗倫醜事今云不寔宗室如此他枉必多因下諭曰

刑獄國重事今後陳寃者三法司當審辨毋畏嫌避  
疑遂遣右副使李廣駙馬都尉柳錦與果復往勘之  
勅游擊將軍都督同知和勇統領兩京達官旗軍報  
賊於兩廣修大明一統志成御製序五月中官遇南  
樵索知府劉寔賄不得中官怒叱摔之遂與中官交  
訟上竝逮治京師上親聽之論治中官罪弋陽  
王奠慥竟為寃果所誣賜自盡六月內閣李賢尚書  
王翱馬昂以所在兵災人民艱窘請下寬卹以蘇疲

因許之命花木鳥獸梨板及追馬清匠刷卷採柴之役悉停罷蓋所罷皆民最苦而採柴之役歲省可三十萬時所在告許及緝訪事情皆即遣錦衣官校籍其家李賢言其多枉因勅法司情重者奏請餘悉赦巡按御史及所司問治七月昭武伯曹欽凶暴殺人為御史所劾上宥之欽不自安與吉祥謀叛先一日上命懷寧伯孫鏜與兵部尚書馬昂帥師西征莊浪虜寇次日陛辭欽謀於蚤朝殺鏜奪其兵入大

內吉祥以禁兵應之指揮馬亮知其謀二鼓立告鐘  
鐘急至長安門告變上知命壘石塞禁門出手詔  
命鐘討賊急召侍直中官縛曹吉祥五鼓欽攻長安  
右門不得入攻左門又不得入遂縱火燒東安門大  
雨火滅鐘與子輔軌統各營兵會恭順侯吳瑾會昌  
侯孫繼宗都御史寇深兵部尚書馬昂工部尚書趙  
榮并力追賊至東市大戰軌入陣死之吳瑾寇深以  
救軌皆死鐘急調神砲兵與諸營兵抵死夾攻欽受

創逃歸投晉井死捷聞 上御午門朝百官下吉祥  
也先等於御史獄而齎之磔欽死鐸等棄市流其黨  
於嶺南八月旌死事追封吳瑾梁國公謚忠莊寇深  
少保謚忠愍孫繼宗太保孫鍾懷寧侯馬昂趙榮王  
翱李賢並加太子少保將士陞賞有差十月虜酋阿  
羅渡河入套寇延綏

六年正月勅諭天下提督學較監察御史等官陳政  
等務興賢育材以崇正學二月都督顏彪等勦澤州

大藤峽等處獠賊攻破七百二十一寨斬首三十二  
百一十七級復所掠男婦五百餘口賜獎勅三月皇  
第九子生五月禁在外大小衙門毋增置夾棍等件  
刑具八月肅入獨石馬營命修牆垣屯堡墩臺壕塹  
於諸邊九月皇太后崩上御西南門諭禮部曰大  
行皇太后遺誥服制二十七日除朕不忍朕仍素冠  
視事西南門爾羣臣以素服朝恭待山陵柑廟畢乃  
用淺色衣服以朝指揮僉事門達請別置錦衣衛送

之征進兩廣總兵官顏彪都御史葉盛等獻所報潮  
州反賊羅劉軍廣西龍山等處徭獍章公立等首三  
十五級十月上大行皇后尊謚曰孝恭章皇后詔天  
下十一月合葬於景陵祔廟嚴捕私鹽船令

七年正月郊上病足掖而就事二月會試場屋灾  
舉子死者九十餘人上憫之命有司具木瘞之朝  
陽門外為穴大塚題曰天下英才之墓是月晦夜空  
中有聲上諭李賢曰近聞空中有聲天譴也宜禱

襍賢對曰考之於書無形有聲名曰妖鼓君不卹民  
天下怨叛則妖生焉之行蠲卹之政上曰朕心也  
三月頒蠲卹詔於天下七月追上宣德廢后靜慈仙  
師胡氏為恭讓章皇后孝恭皇后既崩錢皇后為上  
言胡后賢而無罪廢為仙姑其死也人畏太后殮葬  
皆不如禮勸上復其位號逆之八月禮部補試天  
下舉人十一月下錦衣衛指揮袁彬獄時都指揮門  
達怙寵橫行畏彬入告因撫彬陰私數十事上之下



彬錦衣獄拷掠瀕死倭漆軍匠楊暄力救彬得逆輕  
調雲南錦衣衛

八年正月 上不豫廢分後事命太監牛玉執筆口  
占使書之其一東宮即位百日成婚其二定后妃名  
分其三命勿以嬪御殉葬其四節省殯殮器服書畢  
命牛玉曰將去閣下為朕潤色玉至閣奉賢與陳文  
彭時驚惶歎曰所言闕大體非 上英明不及此止  
殉一事尤高出古人是月十七日 上崩上尊諡曰

睿皇帝廟號英宗英裕陵

石匱書曰英宗之復辟正也徐石乘之以取功名不  
幾以上為孤注哉故終英宗之世天下一亡於  
土木再亡於奪門其所存者幸百至八年嗣統其慎  
其艱與正統初政相去若霄壤焉則英宗之得力  
於沙漠也不減太甲之桐宮矣冕服奉饗復正厥辟  
豈偉也哉